

justificationem, *Gal. 3. v. 21. 2.* Quoad maledictionem *Gal. 3. vers. 13. 3.* Quoad rigorem executionis, *Gal. 5. v. 18. Rom. 8. v. 1. 4.*

24. Sed quod attinet ad doctrinam & obedientiam, lex moralis non est abrogata, sed æterna & immutabilis.

DISPUTATIO XII.
DE DIVISIONE LEGIS.

THESIS I.

Lex moralis est lex æterna.

2. Quam Deus subinde clariùs hominibus revelavit.

3. Ante diluvium distinctis vicibus, *Gen. i. 4. 2. 4. 6.* Vide etiam *Matth. 19. Gen. 3. 4. 6. 8.*

4. Post diluvium etiam sæpè repetivit, sed per partes: donec Anno Mundi 2454. in monte Sina solenniter per Mosen totum Decalogum promulgaret.

5. Idq; propter has causas. 1. ut esset manifestum testimonium de notitiis legis naturalibus. 2. ut quæ per peccatum extincta erant in lege naturali, sua voce iterum patefaceret, & obscura rectius explicaret. 3. ut interposita divina autoritate, diligentior haberetur ratio testimonii conscientiæ. 4. Ut nos adduceret in veram agnitionem nostræ miseriæ, ut ægroti suspiremus ad redemptorem & liberatorem. 5. Ut esset medium seu instrumentum, per quod Spiritus sanctus arguat mundam

E

dam